

鬼哭穴

治鬼魅狐惑恍惚振噤。以患人兩手大指相並縛定。用艾炷於兩甲角及甲後肉四處。騎縫着火灸之。則患者哀告。我自去為效。

灸卒死

一切惡厲暴絕。灸足兩大指內。去甲一韭葉。

灸精宮

專主夢遺十四椎下。各開三寸。灸七壯效。

鬼眼穴

專祛癆虫。令病人舉手向上。畧轉後些。則腰上有兩陷。可見。即腰眼也。以墨點記於六月癸亥夜亥時。灸。勿令人知。四花膏。盲肺俞。亦能祛虫。

痞根穴

專治痞塊。十三椎下。各開三寸半。多灸左邊。如左右俱有。左右俱灸。

又法用稗。心量患人足大指。齊量至足後跟中。截斷。將此稗從尾骨尖。量至稗盡處。兩旁各開一韭葉許。在左灸右。在右灸左。針三分。灸七壯。神效。

又法於足第二指岐叉處。灸五七壯。左患灸右。右患灸左。

灸後一晚灸臍腹中響動是驗

肘尖穴

治癰癤。左患灸右。右患灸左。如初生時。男左女右。灸風池。又法用稭心比患人口。兩角爲則。摺作兩段。於手腕窩中量之。上下左右四處盡頭是穴。灸之亦效。

灸疰忤

尸疰客忤。中惡等症。乳後三寸。男左女右。灸之。或兩大指頭。

灸疝痛

偏墜用稭心一條。量患人口。兩角爲則。摺爲三段。如△字。

襪以一角安臍中心兩角安臍下兩旁大盡處是穴。左患灸右。右患灸左。左右俱患。左右俱灸。炷艾如粟米大。灸四十壯。神效。

又法取足大指次指下。中節橫紋當中。男左女右。灸之。兼治諸氣。心腹痛。外腎吊腫。小腹急痛。

灸番胃

兩乳下一寸。或內踝下。三指。稍斜向前。

灸腸風諸痔

十四椎下。各開一寸。年深者最效。

兩手相握。夏足二指。上一寸半。

灸癰風

左右手中指節宛宛中。凡贅疣諸瘰。灸之無不立效。

金
金
入
反

吳

崔氏取四花穴法

治男婦五勞七傷氣虛血弱骨蒸潮熱咳嗽痰喘疰癘痼疾用蠟繩量患人口長照繩裁紙四方中剪小孔別用長蠟繩踏腳下前齊大趾後上曲腋橫文截斷○如婦人纏足比量不便取右膊肩髃穴即肉量至中指頭截斷○却絡在結喉下雙垂向背後繩頭盡處用筆點記即以前紙小孔安點中分四方灸紙角上各七壯。

按四花穴古人恐人不知點穴故立此捷法當必有合於五臟俞也今依此法點穴果合足太陽膀胱經行背二行膈俞胆俞四穴難經曰血會膈俞疏曰血病治此

蓋骨蒸勞熱。血虛火旺。故取此以補之。胆者肝之腑。肝能藏血。故亦取是俞也。崔氏止言四花。而不言膈俞。胆俞四穴者。爲粗工告也。但人口有大小。濶狹不同。故比量四花亦不準。莫若只揣摩脊骨。膈俞胆俞爲正。再取膏肓二穴。灸之無不應矣。

膈俞在七椎下兩旁。去脊各一寸五分。

胆俞在十椎下兩旁。去脊各一寸五分。

膏肓俞在四椎下一分。五椎上二分。兩旁去脊各三寸。

四肋三間。




取膏肓穴法

醫學入門

主治惕氣虧弱諸風痼冷夢遺上氣呃逆膈噎狂惑妄誤百症。取穴須令患者就床平坐，曲膝齊胸，以兩手圍其足膝，使胛骨開離，勿令動搖。以指按四椎微下一分，五椎微上二分，點墨記之。即以墨平畫相去六寸許，四肋三間，胛骨之裏，肋間空處，容側指許，摩脅肉之表，筋骨空處，按之。患者覺牽引胛肋中手指痛，即真穴也。灸至百壯，千壯，灸後覺氣壅盛，可灸氣海及足三里，瀉火實下。灸後令人陽盛，當消息以自保養，不可縱慾。

此二穴專治癰疽惡瘡發背癰毒瘰癧諸瘋一切病症先
從男左女右臂腕中橫紋
起用薄篾一條量至中指
齊肉盡處不量爪甲截斷
次用篾取前同身寸一寸
却令病人脫去衣服以大
竹扛一條跨定兩人隨徐
扛起足離地三寸兩旁兩
人扶定將前量長篾貼定竹
扛豎起從尾骶骨貼脊量至
篾盡處以筆點記後取身寸
篾各開一寸是穴灸七壯



此楊氏灸法。按神應經。兩人擡扛不穩。當用兩木凳。閣竹扛頭。令患人足微點地。用兩人兩旁扶之。尤妙。又按聚英言。各開一寸。疑爲一寸五分。當合膈俞肝俞穴道。

灸勞穴法

聚英

資生經云。久勞其狀。手脚心熱。盜汗。精神困頓。骨節疼痛。初發咳嗽。漸吐膿血。肌瘦而黃。減食少力。令身正直。用草於男左女右。自腳中指尖。量過腳心下。向上至臍大紋處截斷。却將此草。自鼻尖量從頭正中。分開髮量至脊。以臍盡處。用墨點記。別用草一條。令病人自然合口。量闊狹。

紀多灸一壯如人三十歲灸三十一壯累效。

按此穴合五椎兩旁各一寸五分。心俞二穴也。心主血故灸之。

取腎俞法。

在平處立以杖子約量至臍。又以此杖當背脊骨上量之。知是與臍平處也。然後左右各一寸半。取其穴則腎俞也。

取灸心氣法

先將長草一條比男左女右手掌內大姆指橫紋量起。至甲內止以墨點記。次比並指中指四指小指五指皆比。如前法再加同身一寸。點定。別用稗草一條與前所量。

草般齊至再加一寸墨上其結一磊却令病人正坐脫去衣以草分開加於頸上以指按定磊於天突骨上兩邊垂向背後以兩條草取般齊垂下脊中盡處是穴灸七壯效取灸痔漏法。

痔疾未深止灸長強甚效如年深者可用槐枝馬藍菜根一握煎湯取水三碗用一碗半乘熱以小口瓶薰洗令腫退於原生鼠奶根上灸之尖頭灸不效或用藥水盆洗腫微退然後灸覺一團火氣通入腸至胸乃效灸至二十餘壯更忌毒物永入恩隨以竹片護火氣勿傷兩邊好肉。

若卒患小腸疝氣一切冷氣連臍腹結痛小便遺溺大敦
二穴在足大指之端去爪甲韭葉許及三毛叢中是穴
灸三壯。

若小腸卒疝臍腹疼痛四肢不舉小便澁滯身重足痿三
陰交二穴在足內踝骨上三寸是穴宜針三分灸三壯
極妙。

灸腸風下血法。

取男左女右手。中指爲準。於尾闕骨尖頭從中倒比。上至
腰脊骨一指盡處是第一穴也。又以第二指於中穴取中
一字分開。指頭各一穴。灸七壯。已上加至壯數多爲效。患

深次年更灸。但以中指一指為準。臨時更揣摸之。

灸結胸傷寒法

宣黃連七寸。搗末。巴豆七箇去殼不去油。一處研細成膏。如乾滴水兩點。納於臍中。用艾灸腹中。通快痛爲度。

灸陰毒結胸

巴豆十粒研爛。入麪一錢。搗作餅子。實搽臍中心。上用艾炷如豆許。灸七壯。覺腹中鳴吼。良久自通利。次用葱白一束緊扎。切作餅飲。灸令熱。與熨臍下。更用灰火熨斗烙其餅。飲令生真氣。漸覺體溫熱。即用五積散二錢。入附子末一錢。水盞半盞。更加鹽一匙。同煎至七分。溫服。日餅三兩。

服卽汗自行而安

雷火針法

治閃挫諸骨間痛及寒濕氣而畏刺者用沉香木香乳香茵陳羌活乾薑川山甲各三錢麝少許蘄艾二兩以綿紙半尺先鋪艾茵於上次將藥末摻捲極緊收用按定痛穴筆點記外用紙六七層隔穴將捲艾藥名雷火針也取太陽真火用圓珠火鏡皆可燃紅按穴上良久取起剪去灰再燒再按九次卽愈灸一火念呪一遍先燃火在手念呪曰雷霆官將火德星君藥奏奇功方得三界六府之神針藏烈焰煉成於仙都九轉之門蠲除痛患掃蕩妖氛吾奉